

北

游

錄

北游錄紀聞

鹽官談遷孺木著

自北上以褐賤所聞寥也而不敢自廢輒耳屬一二輩上貴人其說翔藐塵塗之外迂朽毋得望至淵儒魁士未始多值間值之而余頹蒙自怯囁嚅久之冒昧就質僅在跫頃懼其厭苦手別心悵餘則垣辟桯杌之是徇余之憤不其甚乎然幸于燕而聞其略也若銅我荒蕪之下禽穎玉吟腳足入耳能傾隃糜之殘潘乎哉陋寢余不在游也故紀聞

吏部檻帖

吏部堂職萬曆初家宰錢唐張瀚立功名身外事大就
何妨小就何妨富貴眼前花早聞也得晚聞也得

宋濂裔孫

浦江宋濂諱平夔州子孫回家焉而故里仍有宋氏今蔚
州知州宋三傑云其後

湯若望

大歐邇巴國人湯若望今官太常寺卿管欽天監印務勅
號通玄教師其國作書自在而右衡視之製璽紙潔白表裡
矣刷其畫以胡桃油滑絹抹藍或綠或黑後加采焉不用
白地其色易隱也所畫天主像用粗布遠睇之目光如注近

則未之奇也湯架上書頗富醫方器具之法具備有秘冊二本專
煉黃白之術溧陽陳百史相國名夏欲傳之不得也崇禎甲申
三月京城陷陳避天主堂欲投環力沮之湯又善縮銀淬銀以
藥隨末碎臨用鎔之故有玻璃瓶瑩然如水忽現花麗艷奪
目蓋煉花之精隱入之值藥即榮也鑄鎔鐵為刀柔可繞指
揮之若然有聲他製頗多不具述

通政司叅議

通政司叅議閻大率以戶刑工部郎中陞試日讀章疏一道
僅幹閭聲為貴備上御門宣奏也左右叅議嘗外持

一膏內轉時人語曰一死一活

人鼎

崇禎時寧海諸生毛君祿失其名
家頗裕其子年殆壯好飲博嘗道中
歐父死食其腦主人執送熊太守太守拷問曰
吾當時謂牛耳不知父也斃于杖下

商文毅銀章

淳安商文毅格有憲宗皇帝所賜銀圖書曰澹泊寧靜今
藏于家其地九峰遙迴水各環護遂安馬揚明說

徵異

先朝大內多奇物濟寧楊太史士聰玉堂薈記曰大內藏有瓜
子長五六寸嘗述之吳駿公先生先生曰不止此吾友某親見大

內一活蟻脩尺許其狀可畏不知所自產又太倉太常王煙客時故云友人某于蜀中見婦人若干共籠形不隃三寸衣冠垂鬢聲啾如鳥雀短于焦僥矣

金龍池

馬邑縣西北十里洪濤山下有水一泓深不可測嚴冬不冰後魏以來人傳池有二龍時化為馬一驪一黃遇天陰晦民間之馬遇之生駒神駿或有角如鹿茸然馬邑縣志

洪濤山下淵深無底唐初有一馬從池中躍出里人驚怪莫敢近之馬每朝出奔騰郊坂暮復投水中以為常尉遲恭往收之從太宗征伐翊成開創之功後馬不知其所終今日金龍

池寥中志按鹿馬易形秦人以罪趙高而馮夢楨快雪堂
集云大同有馬似鹿者抑洪濟山所產耶傳奇有尉遲故
德流馬則金龍池中事也

透玲碑

大同應州佛宮寺相傳唐晉王墓上石光明如鏡照見人
物元李兵焚止留二尺許曰透玲碑

王右軍遺墨

東陽何氏宋太師之後所遺右軍書若問淳熙通鑑
之必遠也義之頓首字徑五寸長幅今存義烏金公輝嘗見

沙河古墓

沙河縣北陽村有古墓志蓋上書楊君墓楊刻墓後一千七百年墓為張安所發者滅門今石見存古廟前而楊君履歷已不可考順施用志

黃侍中祠聯

賁池黃侍中觀祠聯曰雨榜輪魁豪端灑不盡義膽忠肝想到江上勤王獨往獨來天地照一門殉節波影留得住
首魂烈魄說起橋邊往事同聲同氣鬼神驚

政經堂記

三原冢宰王端毅公致政潛心研作政經堂記略曰政經固當攷儒先之傳注亦可不必以心攷之其經如此其傳如

此以心致之亦如此然後信之斯可以語諸人其經如此其傳
如此其心致之不如此則當闇之不可以訛傳訛以誤後學
且如易之文言曰乾始能以義利天下不言所利大矣哉
程傳以為乾之道能使庶類生成天下蒙其義利而不
言所利者蓋無所不利非可以指名也故贊其利之大曰
大矣哉朱子本義以為始者元而亨者利天下者利也
不言所利大矣哉貞也今之學者多不讀程傳而宗本義
如此章者以吾心致之當以程傳為是又如書之金作贖刑
蔡傳以為贖鞭朴之刑以吾心致之鞭朴乃官府學校常用
之輕刑如何以金贖之豈非贖老幼篤廢之不能受刑

者乎又如詩之南有喬木不可休思注以為上聲無枝曰
喬以音改之釋喬木之喬固可如此遷就釋喬岳亦可
上聲無枝曰喬乎喬字只可以高字訓不可以上聲無枝
釋之也又如春秋公羊穀梁以尹氏卒為正卿左氏以尹氏卒
為尹母以為男子以為婦人學者將誰信乎此故經者
固不可不用傳註亦不可盡信傳註要當以心改之也

海運新政

梁太宰夢龍海運新政曰海道里數淮安府至安東縣二十
里東縣至馬洛關五十里馬洛關至蘆浦四十里蘆浦至楊眾
四十里楊眾至白沙關二十里白沙關至雲梯關二十里雲梯關

至淮河卷六十里淮河卷至大海東州山百二十里東洲山至高
公島三十里高公島至鷹游山三十里鷹游山至盧溝卽十五
里盧溝所至青口六十里青口至興莊五十里興莊至東流所百
里東流所至濟落場三十里濟落場至信陽場百二十里信陽
場至齊堂島四十里齊堂島至靈山島九十里靈山島至竹
根島五十里竹根島至浮島四十里浮島至灣島六十里灣島至
鰲山管島三十里管島至田橫島七十里田橫島至欽島十里欽島至
青島百二十里青島至海泮所灰島七里灰島至炕兒島十八里
炕兒島至玄城島百三十里玄城島至雙駝埠二十里雙駝埠
至寧津所八十里寧津所至成山衛五十里成山衛至青鶴島六

十里青雞島至羅山所五十里羅山所至威海衛四十里威海衛
至劉公島五十里劉公島至寧海州七十里寧海州至寧島五
十里寧島至奇山所三十里奇山所至福山縣三十里福山縣登
州新海口六十里登州新海口至沙門島六十里沙門島至桑島
五十里桑島至萊州城此島四十里此島至三山島八十里三山島
至芙蓉島五十里芙蓉島至海倉百里海倉至魚兒鋪十里
魚兒鋪至白浪河五十里白浪河至六溝河五十里六溝河至小清
河二十里小清河至清河五十里清河至絳綱口十里絳綱口至江
金河十里江金至大口子四十里大口子至大清河十里大清河至
唐頭寨十里唐頭寨至小沙河五里小沙河至渾水汪十五

里潭水汪至降河三十里降河至久山河十里久山河至大沙
河二十里大沙河至泊油河十五里泊油河至金河十五里金
河至沙頭河十里沙頭河至大溝河三十里大溝河至桑勾河
三十里桑勾河至徐家溝十里徐家溝至己溝河七十里己溝
河至大沽河二十里大沽河至天津衛百五十里天津衛至張家
灣八十里自淮安至張家灣海道水程共三千三百九十里

海道灣泊舟行停泊宜在舊設墩上畫樹旛懸燈籠
以便趨集嘗攷永樂間平江伯陳瑄督海運于靈山建烽
火臺高三丈餘今宜師其意多為標識公云

由淮安起至信安場場東北民董氏門前可泊船二三百隻

齊堂島屬諸城縣在夏河所東南水陸相去共約二十里自鷹游山風利
寺所至東靈山一帶
近多殺間前敗

靈山島西離齊堂水路三十里北離靈山榆水路四十里屬膠州風利司島北社

行或陞風令各島或靈山衛前可泊舟二百餘

古鎮巡簡司山島南海邊行或陞風在鎮內海三門前龍王沼處可泊船五

百餘

竹程島屬膠州在靈山榆水路前離靈山榆水路五十里和山島前行或陞風即今北島或稱眾島前可泊二三隻

黃島商船泊此守風可泊舟百十隻

淮子口膠州城東最險要內多隱石湖長石見須轉向行淮商熟路也
陰島屬膠州每由島前行潮退者旱路內為民居

麻灣西口通膠州可泊

福島一作浮即墨縣南五十里顛武社地方航行島後亦可泊

淮口港糞山衛遇大潮可泊四三十艘

董家灣

即墨縣南九十里每三四月捕魚時百載叢集灣前有石網洞近裏二里間

大管島

即墨縣蒲旺社地方距縣十里島內外俱可行舟

小管島

蒲旺社地方離岸十里如船行經不及此島可泊離鰲山衛十餘里

田橫島

屬即墨縣去縣百二十里西北去膠州島水陸共有五百里風利可到島後東圓西圓俱可泊

柘島

春時船由行外行狀由內行

沙島

屬太山所去近十里可泊舟百十艘隻

馬公島

即墨縣正東雄嶼所正南屬萊陽島前島東并何家馬頭可泊舟六七十隻

草頭嘴

大高衛正東去衛二十里屬寧海州自田橫島間無或阻風乘此可泊舟六十隻

青島

乳山寨西南小海最可泊舟帶麥萬海口楊家盤海口擒虎山海口俱可泊舟不多

黃島_里 海洋所正南去所二十五里島西所前可泊屬寧海所去百六十

海洋所白沙淺口可泊船不多

官家島_泊 即琵琶島寧海州即楚社地方去洋海所四十里島西北

長灣園_文 登縣可泊船處

龍門口_文 登縣東在靖海衛西北可泊

狗角口_{海神廟皆可泊} 諸海衛東蘇心島西北與蘇州南北相對故名蘇心島上有

槎山_文 登縣南三里有九頂南瞰大海可以遠瞭為水經標記

宋家園_{餘隻} 即沙島俗呼柳埠海口屬靖海衛可泊又蘇山海口可泊百十

何家嘴_{即延真島去} 岘五里文登縣東百二十里

石島_文 登縣赤山塞界東行島南

別付島 在赤山寨南可泊

木家島 即鎮鉢島南可泊島東北海內有凹崖巒最險多頽
內行島岸丈餘高百里昔有捕魚者于此獲寶劍故名
黑石島 遠呼城兒駒島內外可行

楊家墜 宋建所東南潮落則顯長則隱內有石龍有之故曰內龍
里聞其聲皆呼人呼為杆島人名為乾島

慕莊島 毛山所南遇南風可泊

窩島 海口可泊船十餘

駱駝石 水急可泊

竹島 漢山衛正南相去二十里船由嘴東行轉馬山至秦皇廟或阻風進馬山北
小海口可泊無守風

送波嘴

家鷄汪 海口屬武山衛可泊四十餘隻

春山嘴石黃石崖灘陡水湍急風激浪如雷臂可避不可泊百餘隻

成山衛海口可泊百餘隻

柳夼界口可泊百餘艘

白峰頭屬成山衛約十里其處多礁石此風激浪有聲每經此向東開半

餘里避之

仙人橋潮退橋頭半餘里潮長水沒止露尖無風激浪如雷由裏開洋二十

里行無或一西寄

海驢島成山衛東北四十里可避仙人橋之險險開洋二十里島東北望西轉

雞鳴島即青島島大登縣東一百里自成山衛西北行抵此島行船亦可泊過東風即行避或因成山或前山劉公島口有雞鳴嶼內有浮礁一片

可避望西有大人嶼不可在內行船望西北行至劉公島
約四十里

大溝海日文登縣南有暗石沙港不可泊

辛江寨文登縣南近北有陳家崖可泊

黑山洋近黑島在咸海衝東北洋險不可泊

劉公島去文登縣百二十里東北行至王家嘴轉西行道有漫村海口有二灘
在咸海衝根東西肩黑石海口俱陡唯不可泊遇南風在衝東北張家
海口可泊自劉公島轉西至小杆萬抵空島妙可餘里風利一日可到芝罘島或
借西風西北風正此風止向劉公島避之空島不可泊

咸海衝東闊外海龜可泊每二百餘

寧海衛東柄海口可泊船不多

養馬島水路至寧海衛十里可泊石則泊花舍港

龍門港口古泊處

金山所雙寺等海口俱屬寧海衛可泊船三十餘

芝罘島俗呼蓬島奇島奇山所西北山東通陸東西二里長內肩福
山民居至奇山所十里至福山勝三十五里至八角口六十里可泊

大河海口不得已可泊舟五六十

寄山所前圓海口不多泊後圓海口不夕泊勝子圓不多泊
灘名口可泊船二十

婆娑海口。完窯

登州新海口備修都司城_{通河}泊船百十隻

長山島沙門島俱蓬萊海道要處有井可汲葛布監察行臺二巡檢

司有海廟正德前有春秋二祭

樂家海口可泊船十餘隻遇北風不敢久停西至黃河口塞三十里

黃河營屬登州衛有東小海口可泊船三十隻土人島人畏習者

桑島一名桑雞島前可泊船百五十束至新海口亨里去听馬亭塞
十五里有井可汲

馬亭鎮巡簡司屬黃縣境內地名大龍口一帶濱渡不可泊

馬亭寨備禦所屬萊州衛西至東良逢口屬招遠縣

界河

海道經云開放萊州大洋收進界河即此在黃河西六十里今沙淺不可泊

東艮海口東北至淄海口歷三烽寨城北海嶼一帶礁石宜避

屺島屬黃縣而可泊船五十艘北風向至三山島約五十里四面各有礁石宜避內有龍王廟此島有路約一里南通陸

三山島屬萊州西北但可泊船五十餘艘西向有礁石有龍王廟而至芙蓉島

四里

蟠蟠島屬萊州一名芙蓉島東有沙嶼半歲沒水頽露間無聚行無害西至海倉巡簡司一百里島可泊船五十餘艘至虎頭嶼五

十里至唐頭一百餘里

萊州海神廟後港口潮淺可泊船十餘

虎頭嶼登舟上船至虎頭嶼但有島嶼可泊虎頭嶼至海倉口七十里唐

頭塞百八十里唐頭塞至天津衛七百餘里此路雖遠有泊處堪行又虎頭崖開洋往西北至天津衛約五百餘里此路徑便

海倉口西半里新河港口可泊船至魚兒鋪巡簡司十里至濰河三十里可泊船十餘

灘河口可泊船三十餘艘至魚兒戲三十里至白浪河五十餘里

魚兒鋪巡鹽司屬昌邑縣西至青州左衛唐頭寨二百二十里海河沙

口往程十五里可泊船三十餘

海河海口屬青州可泊

小清河大清河海口並可泊

唐頭寨屬樂安通商處

小沙河口至潭水汪十五里

潭水汪口可泊船三十餘

大沙河西北東俱可泊

奎河杜裏三十餘里可泊船三十餘至沙頭河十里

沙頭河可泊船百十餘

桑向河至徐家溝十里

徐家溝河口可泊舟三十餘隻至溝河七十里

乞家河海口可泊舟三十餘隻至天津衛百三十里

天津海口至張家灣八里

隆慶辛未海運初雇海賜船五隻分載米二千石每駕船十二人自淮安至天津試運無碍

趙屹游略

蓋屋趙屹字子崡萬曆己酉貢士未宦好金石遺刻所著石墨鵞華居士卷其游覽皆以搜訪舊蹟也如游九峻記晉馬嵬北童有隋李使君碑隸書稍遜漢法而不甚闕

猶聞使君名撻碑云李父琰之琰之見魏書使君封安善縣
公官亦不卑而隋史無傳不可攷過延長寺抵儀門村至昭
陵十里北一里許得許洛仁碑書不大佳又此半里許得薛收
碑駿有伯施清折而西一里許為趙村有廣濟寺後石鼓唐
人書草勝晚精健絕倫止存十三攷長安志圖有石鼓興
宮而不言所以從趙村北行六里為莊河村先于道旁家得
姜邈斷碑及村中則錢志言碑行間一牧羊兒云碑甚多
予獨以金使導東行數十步田間又橫一碑則監門將軍王
君碑文東行數十步一碑無字亦無塚蓋土人平之而并磨其
碑耳以圖故疑是長孺無忌碑又東行半里許為割洞

村流水界之渡向東一碑則房梁公玄齡碑祐河南正
書存者無款又東數十步高士廉碑在馬丈東數百步
李靖碑在馬標書姓氏殘闕與諸碑同而上半完好靖塚
作三山形文星以象其功土人謂上三塚李勣塚亦如靖土謂
下三塚二塚南北相去不二里勣碑高宗御書高三丈餘斲
然此土與溫彥博碑榻者甚多土人接其字殆畫彥博碑
在靖碑北數十步歐陽詢書法視皇甫九成化度最為
得中而不復可搨就西峪村東南吉塚相連碑甚多褚亮
碑阿史那忠碑張後亂碑孔穎達碑豆盧寬碑張阿難
碑鱗次都不百步書與段姜等碑皆有法而孔穎達碑主

杜類虞伯施但結構小疏昔人謂為伯施書此也額達卒在
世南後不應世南作書當是習世南者書之或已優孟矣已
又得蘭陵公主碑於老軍營之西北得馬周碑于狗村之東
得唐儉碑于小陽村之北碑多佳孔額達碑端首嵌空處有
至正四年三月顧游特看此碑墨書十二字積泥中拭視如
新亦一奇也又宿西峪村馬速進止之馬止處一碑仆地募人起之
乃崔相公敦禮碑大半完好是又一奇也予既不即行訪求
殘碑仆者起之埋者出之存額者揭額尉遲敬德碑自
額以下埋土中間十五年前尹芮質田掘而搨數十紙子出
之了無丰字邑土人守令君搨後掩而瘞之耳又半數冢

人謂宰相墳外一碑傳是魏鄭公碑山東半數冢土人謂亂
冢碑予甚疑之予皆起之則與尉遲碑同不知何年撲而外之也陵
北四十五里北干村有丘連孤公碑者會雨止翊日從西道九坡中
一峰為太宗葬處曰昭陵高不敢中南一小峰一下觀歷朝祭
碑與翁仲或側或仆獨六馬皆以瓦石刻其半左右列各三
故歐陽書贊刻石晉仲容又書刻馬座今馬身半刻而無
座字製亦不類唐人且太宗以天下全力豈難作一石馬而半
刻之耶始府以稽博物者自此益斗絕至馬鞍山達其巔則分
東西二峰見空同未至此界以逕伸山峩峨障其東逕出山後
渭繞其前南則終南太丘北若列屏平川一帶俛視舞降長安

城者彈丸矣。榆山北三十里為東莊村。是日午之叱牛村東二塚。一為乞連孤昭佑碑。苗神客。擇碑行滿正書。一為乞連孤行儼碑。劉憲撰。自義蛭。今書地僻。搨者少。故得稍完。翊日南行。緣谿上下。由東道下谷口。為煙霞洞。碑為鄭子真隱居處。涇陽亦有谷口。去涇尤近。而漢中又有谷口。不知誰是。翊日南過河史村。亦有數大家。曰憶叱千豆盧。阿史那皆代北大姓。而阿史那三盧諸人。又有功于唐。陪葬昭陵。此必三族所居。而無所攷。過此東望。茂陵森然。壁上而衛霍諸將。附馬略而南盡。得興平城。上于九峻。茂陵又寄指顧中矣。興平判官方隋賀若誼碑。宋人磨其陰刻。任夫子廟碑元文尚存十五

昔曹完好一縣令不附嚴貴人之索取播其字過半云已子崇
寧寺碑得魏端魄以墓志雖不大佳唐以前物可存也是
役也為日十四得隋碑二隋墓一唐碑二十石鼓一尉遲恭杜
淹李思摩順義公先妃陸氏清河公主碑額六

趙子亟大游城南記略日出安定門西安府西門過演武場游
崇仁寺本名崇聖寺隋唐建今為秦師香火院織構丹碧長
安城諸寺不及也俗呼金勝寺經堂前有唐太德檀法師
塔銘善立佑撝石幢草勝神咒張少悌書皆殊絕又二日出
永寧門西安之南門也舊記所謂安上殿夏含光諸門皆
亡其故處今城四門東曰長安西曰永寧北曰安

遠自永寧至薦福寺三里許寺經廢徙非唐創塔十五級
嘉靖乙卯地震裂為二癸亥地震復合無痕亦一奇也又三里
璵善寺前據草場坡所謂橫岡之第五爻也雍錄長安志
諸書皆云隋宇文愷築大興城以城中有方大坡象乾六爻
于九二置官室九三置百司九五貴位不欲人居置玄都觀
大興善寺以鎮之觀當在寺西東又有裴度宅張權輿
所謂宅據乾岡者今觀與宅皆廢獨寺存寺後闔巍然
銅佛像併轉經藏疑皆昔時物閣前有大德禪師碑
額寺東南又三里為慈恩寺據記云寺經廢毀殆盡惟一
塔嚴然則今寺亦非唐創而塔自宋熙寧大修不可登萬

曆甲辰重加修飾施梯始得至其巔泰山涇渭皆入目中唐人墨蹟孟郊舒光輿之類皆不可得塔下以石為枕上唐畫佛像精絕為游子刻名侵蝕可恨東西兩龕祐遂良書聖教序記尚完好而唐人題一名碑刻與二序者間之僧云塔前元有碑亭已卯地震塔頂墜壓為碎段今亡矣按唐史高宗禦製并書慈恩寺碑言張舉迎置之寺中又寺西南一里有李晟先廟碑張或撰韓秀獨書今二碑皆亡寺前小準曲江泉合黃渠水經鮑陂而西間二十年前尚有水宗侯諱記瑩在其北引水作池惡者塞其泉竭矣寺東南行一里即曲江西岸江形委曲可指苔木稼江正北草故樂游原

今為永興王府營原下舊有青龍寺今亦錢江頭古塚隆起
數處疑非塚當是唐宮殿基杏園芙蓉池皆在江西南今
不可改又西北有楊尚書瑒廟碑李林甫撰王曾書令狐氏
廟碑劉禹錫撰併書今皆亡呼廟坡頭如故又東南二里
為漢宣帝杜陵下為三趙村中小塚鱗比疑皆帝從葬者
又東南五里為張曲記謂荀勗嵩墓今數塚未知誰是蓋
曲江達張曲地漸高自東南一帶迄還過長安西皆所
謂少陵原也今鳳樓原以宣帝塋許后起少陵在司馬村
東其西皆秦王墓地松柏森鬱華表翁仲數十里相望焉
據記張良之西趙村有論子仁墓張說為碑已斷仆無字

今七村中有石翁仲二髡是仁墓上物趙村西為高望有蕭
高父灌墓碑張說撰梁升卿書高望之西北又有仇士良
郭敬之昇平三碑皆當在十餘里內亡矣遂東南行至龐
留宿王氏莊西半里為奉惠王墓前掘得政府君碑字
皆平隱可讀乃唐段志玄父也碑額字亦漸平細如故如
處州縉雲碑似是石理漸長陝陽永祐言不訛耳西南五
里原盡得興教寺據高原俯樊川玉案山天池寺在其南岸
趙三院在其東北杜莊嚴諸寺在其西神采原道安洞惠
炬寺橫亘其西南游塔院觀三藏慈恩西明三塔三藏銘
劉軻撰慈恩銘李弘度撰俱建初書西明銘宋復撰書呂

大防所創玉峰軒以玉案得名當在寺後原丰今猶陳正舉
所為記在殿壁間一唐人盡地獄變相止存閻羅王二鬼三大
不盈尺而狰狞之狀駭人心目亦一奇也下寺渡滴水尋道安
洞半傾亦寥落道安事無改有金人所為碑猶叙安生平而
不及洞故始但至此西倚高岝東眺樊南之景舉目可盡又東
南過鄭家莊唐駢馬乾曜後族尚有人據記鄭氏居蓮花
洞在道安洞西北今乃在東南豈年久遷徙耶似不可曉自
此南行抵南山普光寺有二在一山上一在山下寺金碧巖
為長安諸寺之冠即崇仁不及也最勝者寺門內蓮花池大
數畝中作藏經閣環以廊百楹上寺距下寺里石磴飛梁

長松古柏翠屏蒼巖應接不暇而莊嚴則減下寺故山直
玉華山北是故龍池寺東北坡上有墨遠禪師塔記云上
興教寺玉峰軒南望龍池廢寺則寺自宋已廢國初
有無塗禪師者西方人與奉王有宿世緣卓錫至此夜擊
木魚聲達三宮異之明日來見師與語王恍然悟前生事
命席禮師携石甌炊餅石碓煮水飲食王從者數十人皆給
王乃即山起寺竟証圓寂所遺禪衣錫杖及甌碓見存師
化後又一西僧貌類即踪跡詭異或與食一簞或累果不食
或飲之酒不醉或自遺矢傾食中併食之一居士欲從之游
僧指犬令食居士有難色僧笑而舍之去後所遺矢處輒生

白蓮花僧殆亦無壞之流也惜無所遇云朔日西北行稍神
禾原過惠祚寺荒落特甚下原經杜固有水西北流當是
杜正倫所鑿尚名鳳凰嘴自此稍西北行為杜曲又西北為楊
萬坡夏侯村上華嚴寺丹碧雕殘而倚太原瞰今諸山槩
在目前則猶昔也寺西二塔昔五塔今存二東一塔有杜頤禪
師像西塔為清涼國師妙覺塔俱經重修敗垣中肩唐
比邱圓滿斷碑書雅有歐祐法丈僧舍有唐僧尊者塔
額大字又有夢英撰碑何潤之書記文殊閣載杜順肉身今
亡所在而杜順和尚碑不知何緣乃在長安闍佛寺中猶原西
行數里有宗嗣懷斛莊亭館參差林木掩映懷斛者懷敬

弟也懷微字長房博學能詩文西二里為牛頭寺地勝如
華嚴而莊嚴過蓋之亦奉師香大院也寺有徐士龍撰碑
今亡自寺西南行過申店澗滴水西北望皇子坡大冢其
西為畢原下為杜城何氏山林逍遙公讀書臺岑嘉州
諸莊俱無攷西南過神禾原十里為香積寺樊川御宿之
水交流其下謂之交水西合于澧入于渭亦一勝地也寺額塔裂
壁上有畢彥雄撰淨業禪師塔銘書虬健有法登善寺北
洛陽破安賊時戰處交水東南十里得胡村寺原石寶際
寺壁間有進法師塔銘又東南五里為百塔寺水信行禪
師塔院山畔唐仁儉妻庫狄氏墓塔尚存餘塔累相比

謂之百塔今止存三五而已殿前石幢經無可書殊絕寺亦入
秦碑故莊嚴稍勝殿辟金元舊盡雄偉可觀僧出一像紗帽
金龍紅袍云得之承座意金元達官修寺者也東望善光僅
十五里所謂南立臺者曰觀音曰寧應曰文殊曰普賢曰現身
皆山峰卓立樓臺出半天在普光之西南百塔之東向而道塞
多猛獸不易至每歲六月真禱雲集奉師人緣道設飲食以
待之刀可游焉猶山西行林中多柿栗其陰蔽日又十五里為
子午鎮直子午谷口有市多山称長安人往貿之南望谷口殊險
曰憶魏延欲以精兵五千自子午谷薄長安此去屢斜千里首
尾不相救縱走夏侯楙豈能當曾廢張郃步騎立萬耶真妄

言也鎮西十五里為董村寺是翠微下院山上寺為翠微董林
寺壁間金碧金牒歷載諸寺化度猶存思率更邕禪師
塔銘又四十里為觀音山奇峭與諸山殊大壑精氣出入令人駭
目又四十里豐谷豐水為水之一而谷口僅數十步亂石參差
流殊非大漫稍北合高觀水交水始大耳水上橋又西一里為
高觀谷水注一大石罅曰高觀潭瀆流如雪上有鐵絃懸橋如
豐谷高觀谷之西則草堂寺也奉她輿迎鳩摩羅什譯經
于此原名逍遙園國唐僧宗寂居之為草堂寺今名棲禪寺
有鳩摩羅什墓舍利精殊甚宋人作亭覆之今尚在傍有
龍升云與高觀潭通未知的否殿後角圭峰定慧禪師碑柳

公權裴休撰書圭峰定慧禪師者宗密也辟間又有隋鄭州
刺史李淵為子世民祈願記淵唐高宗世民太宗也又有
章惇蔡京題記皆歷可讀寺前插紫閣峰東觀音山
西主峰如屏環而圭峰獨辟主亦曰笄頭山又曰鷄頭十六
國春秋云石生兵敗潛雞頭山是也寺南一里有長興寺秦
鄭劍父西南三里子房寺則僧大海創以譯經俗謂留侯
尋黃公非是當由紫閣訛為子房耳東南一小峰頂圭峰
寺四寺惟棲禪最古而莊嚴頓不及長興是行也為日主得
隋記唐碑三塔銘六石幢佳者二宋碑一記三唐碑額三
西安定門外西北二十里陽甲城之外與其郭其塞曰白日為

都出城二十里至胭脂陂則董仲舒墓在陽甲城內東南隅
今西安孟唐都而小唐城則包曲江陽甲則北杭渭漢並
元津渭又五里則陽甲之皇門皇門者宮城門也又村號曰
古未央地今入奉師屯又上數里則古殿址其中斬如折角之
中登之北五陵南杜霸但豆列其西南秦阿房也杜陵在曲
江東謂據樂游原上者誤按雍縣樂游原在慈恩寺北
而又謂前藍水後黃山者亦誤黃山谷蓋在盩厔陵後
寔無他阜藍水者蓋滻水自東南來者也滻東為白
鹿原有陵為薄太后塚稱歛箕塚謂薄姬也

王弘慶瓦石語

咸寧王弘慶文宣好古刻以歐陽永祐之集古錄洪容齋之
隸釋趙德甫之金石錄明都玄敬之金薤琳琅楊用修之
金石古文趙子函之石墨鏘華俱有成書于函所錄距今
三十餘年兵燹之後且多不存况其他乎今所收共二百餘
本彙為十卷曰凡石語

卷之一 三代至漢

夏禹衡山碑 在衡山寧雲峰

周武王銅盤銘 在衡州府

周穆王壇山刻石 在趙州

周宣王石鼓文 在北京圓子監

仲尼題季札墓在丹陽縣

秦峄山刻石翻刻在西安府學

漢八年荆王賈石枕題字

漢泰山都尉孔宙碑孔宙後碑

漢泰山魯相置孔子廟卒史碑

漢魯相史恭孔子廟碑後碑以上五種在曲阜孔廟

漢大風歌碑在沛縣

漢司隸尉魯峻碑并碑陰在濟寧州

漢執金吾武陵碑在濟寧州

漢鄧陽令曹全碑并碑陰在鄧陽縣

漢北海相景君銘在濟寧州

漢淳于長夏承碑在廣平府

漢時邑侯相張壽碑在城縣

卷之二 六朝

魏受禪碑 鍾繇書在許州

魏封孔羨奉孔子紀碑 在孔廟

吳皇象天發神識碑 在應天府

晉太公志 在衛輝府有二種

宋謝靈運詩石在陝西布政司

後魏豆盧思碑

後魏周惠達碑 二碑在咸陽縣

北齊玄社寺碑

後周保定二年殘字 在姜保村

後周邑子題名

隋陳明府修孔子廟碑仲孝俊撰在孔廟

隋淮安定公殘碑 在中地村

隋義成子梁羅墓志 在杜曲堡新出

隋李淵為子世民祈疾疏在草堂寺

隋皇甫誕碑歐陽詢書在西安府學

隋智永真草千文 在西安府學

卷之三 唐帝王

唐刻石經在西安府學

唐景雲觀鍾銘睿宗作

唐萬年宮銘高中撰書碑陰題名諸臣自書

唐李英公世勳碑高中撰書在醴泉縣

唐述聖碑武后碑

唐武后詩王知政書在登封縣

唐昇仙太子碑武后撰書

唐涼國公主碑

唐鄭國公主碑在蒲城縣

唐玄宗注孝經在西安府學以上三碑玄宗今書

唐蘭陵公主碑在醴泉縣

唐金仙公主碑在蒲城縣

唐尚書楊珣碑玄宗今書在扶風縣

卷之四 唐名臣

唐房梁公宣齡碑 程遂良書

唐溫虞公彥博碑 魏陽詢書

唐李衛公靖碑 許敬宗撰趙族書

唐高申公士廉碑 許敬宗撰趙族書

唐于燕公志寧碑在三原縣令狐德棻撰于立政書

唐澄城縣令鄭公德政碑

卷之五 唐名蹟

晉祠之銘太原府

唐九成宮醴泉銘歐陽詢書在麟游縣

唐述聖頌達奚珣撰序呂向撰頌并書

唐華岳寺精享碑

唐昭告華岳碑韓賈撰韓釋木書

唐西岳碑文

唐岳祠題名

唐寶鍊謁西岳詩以上俱在華陰岳廟

唐長安二年禱雨記

唐贈太師孔宣公碑 在孔廟

唐充公之頌 張之宏撰包文誥

唐宋聖觀碑

唐縉雲縣城隍廟記 李陽冰書

唐御史臺精舍碑并碑陰碑名崔湜撰梁昇卿書在西安府學

唐共城縣百門陂記 卞怡諫撰游去煥書在縣

唐武安君廟碑在咸陽縣

唐二思局題名記 蘆肇撰韓琳書在西安南闕

唐左思題名 在西安府學

唐司直廳題名記在尉家村

唐令新城碑

卷之六 唐寺塔

唐昭仁寺碑 朱子喬撰在長武縣

少林寺碑 登封縣

法華寺碑 李邕書在紹興府

淨住寺文賢像贊 在車家巷

鐵彌勒像頌 林謨撰高氏書在交城縣

淨土堂五十二菩薩讚

高延貴造佛像讚

蕭元春造佛像讚

楊將軍新莊像銘

虢國公花臺銘

常均造佛像銘

李承嗣造佛像銘

多寶佛塔感應碑
岑勣撰
顏真卿書在西安府學

憲忠寺寶塔頌蘇靈芝書在順天府

共北山浮圖銘
趙不為撰序
趙不疑撰銘

景教流行中國碑
呂秀岩書釋景淨撰在崇仁寺

她元景造佛像銘

陳公心經

草書心經

卷之七名書

唐集右軍聖教序記太宗製序高宗製記僧懷仁集

唐集右軍殘碑傳大雅集以上在西安府學

孔子廟堂碑虞世南撰書在城步縣

孔子廟堂碑在西安府學

聖教序褚遂良書

聖教序記褚遂良書在同州

聖教記褚遂良書二碑分刻在慈恩塔下

雲麾將軍李思訓碑 李邕書在蒲城縣

雲麾將軍李秀碑 李邕書在完平縣

娑羅樹碑 李邕書在淮安府

敍州刺史葉有道碑 李邕少書在廬州府

張旭千文

張旭肚痛帖 上二種在西安府學

郭敬之家廟碑 并碑陰在陝西布政司

顧氏家廟碑

爭坐位帖 上二碑在西安府學

東方朔像讚 在山東陵縣

玄靜先生季含光碑在芳山

八闕齋會記在歸德府

麻姑壇記在撫州府

孔子廟碑文日休撰在華州王氏

顏真卿奉使題字在同州

唐華岳題名在華陰岳廟以上俱顏真卿書

先塋記

三墳記二碑李陽冰撰書在西安府學

碧落碑在絳州

碧落碑釋文陳惟玉書在絳州

懷素千文

懷素聖母帖

懷素藏真帖 並在西安府學

卷之八 唐墓志

唐騎都尉李文墓志 在同州

唐王損之墓志

唐張景墓志 張泰客撰

唐鄭恒墓志 泰貢撰

唐內侍李輔光墓志

唐內侍劉光俊墓志 高肅撰在咸陽縣

唐恭軍元璫墓志在曲江新出

唐韋夫人墓志在寺坡

唐元夫人墓志在軍庠沈

唐內侍張氏墓志索玄慶撰于林有鑒書在咸陽縣

唐內侍王氏墓志王西諸撰

唐王夫人塔記在留村

卷之九唐方外

夢真容碑

宗聖觀主尹文撰碑

玄元靈應頌載璇撰序別用升撰頌載板書以上三碑在終南

唐觀

道因禪師碑 欽陽通書

不空禪師碑 徐浩書

大智禪師碑 并碑陰文惟則書

楚金禪師碑 吳通微書以上四碑在西安府學

圭峰禪師碑 裴休書 庄草堂寺

寂照和尚碑 段成式撰僧無可書在咸陽縣

杜順和尚碑 杜寂撝董景仁書在開福寺

隆闡禪師碑 僧懷深書

大徧覺禪師塔銘 劉軻撰僧建初書在興教寺

淨業禪師塔銘 在香積寺

靈運禪師塔銘在琪振信勤書在少林寺

大法師基公塔銘在興教寺

大德進法師塔銘

大德禮法師塔銘在崇仁寺

圓測法師塔銘在興教寺

思恒律師塔銘在王泉池寺新出

敬節禪師碑在杜永村

大德禪師遷葬記在華嚴寺新出

圓和尚塔銘沈興宗撰

趙素法師石函題額在溫國塔

比丘尼法琬碑在墳林村新出

比丘尼法印塔銘在後溝新出

比丘尼法證塔銘在軍連院新出

卷之十 唐石幢組

唐石幢心經 僧元善書

唐石生兜率天經

唐燈燃功德經 在香積寺

唐保唐寺天王燈讚在雍家村今亡

唐光宅寺燈臺記在華嚴寺

王岳靈燈臺銘

尊勝院羅尼經題榜從書在寶慶寺

唐僧無可書在百塔寺

唐僧歲器書在蘭家村

唐席彪書在廣濟寺

唐洞宣書在蘭家村崇岱園

三原縣北原

韓參塚

涇陽慧果寺

富平六井寺

長安普賢寺

三橋鎮

宣川王府

二龍寺

興慶寺

寶里村以上俱石幢書尊勝陀羅尼經

佛頂尊勝呪張少師書在崇仁寺

佛頂尊勝呪僧嗣浩書在牛頭寺

佛頂尊勝呪僧言德書在開福寺

尊勝呪馬季武大書

尊勝呪趙庄觀音寺

尊勝呪塔坡村

尊勝呪黃渠頭

尊勝呪慈恩寺

瓊花

宋徐節孝先生續集中云淮南轉運林公次中所居之府有
花一株舊名玉蕊改曰瓊真即瓊花之別本也瓊玉赤也名
其花者蓋誤矣

奉天老民

奉天老氏閩中人不知其姓氏齋里所著遂山前集十卷
後集廿卷近鑑三十卷韓子十卷梁書六十五篇研纂八卷北

見記三卷正統書六十卷好蓄書老不便檢閱作圓轉書尉
縣所用書塗而帙之以便輪閱号曰臍僅謂不過一引臍也作記
時六十有九愚意此老作韓子必韓姓

詩話

顧元慶夷白堂詩話云越僧不知名索畫于石田翁寄一
絕句云寄將一幅荆溪藤江面青山西笑層巒到斷崖泉
落處石邊添个看雲僧按此詩為海鹽朱元素作見村

西村集中

胡雪

無錫胡雲題樞曰恩親每憶臨危日對卷常悲赴孝時陽
望中林

漳州府額

閩中軍府之類皆用真書獨漳州府額用古篆體故老
相傳謂其字徑注徑早書法當避故篆以別之

制書偶遺

大明官制不載翰林院庶吉士蓋官制一書定于洪武
而庶吉士則始于永樂二年甲申也似宜補入

大明一統志不載水馬驛巡簡司

大明會典不載內臣職掌

廿水

京師天壇城河水甘餘多苦蘭州薦學士諫京師水記云
自郊畿論之玉泉第一自京師論之文華殿東大庖厨井第
一井已絕今成探花人故相石玷酌泉詩往城中水不如郊外甘
如何城市客不肯住長安京師各巷有汲者車水相售
不得溷汲其苦水聽之亡論

房寰無後

德清房寰萬歷初以監察御史提督南畿學校多通苞苴
與撫江都御史陳山海竊不相下互訐臺省去位時人大為端
不平今傳三世而絕偶燕中客房生言余豁然有省昔會
天道自記性無急性觀子房寰倚御天之記性固未矣也

字誅

二人同上樹兩樹大無人接却兩人字令人無處尋刀來來三
字也處州萬象山廟或題曰戎境本有心須得一日未住人倚
簷立問把門兒推云感應字也

白石

京師白石如玉出都城北三山大石窩

魏氏石獅

故寧國公魏良卿舊宅二大石獅其目下視魏太監搆之榜石
工至以良卿誅沒官曰策勲府以待復違者賜之今門墻記
矣

立穀

立穀顏師古曰黍穀麻麥荳米晦翁曰稻黍稷麦黍晉江河

鏡山先生裔達曰稻說文謂稻為稊稊稌屬也亦名秫福州曰
稊曰秫黍詩名物云丹穀也其類有粘如稻之稊糯不粘為饭
粘者亦名秫以為酒按黍此人曰梁浙人曰黍泉中消一種名稀粒
似黍而小穀說文曰五穀之長也此自高粱泉曰番黍浙人曰蘆
穄朱梅聲太史以爾雅難詳採本草諸說曰稷石穄與黍
相似而粒殊大黍乃作酒此乃作飯諒矣否美墨此最多令人
不甚諒此惟祠事用之農家惟以備他穀之不熟則為糧耳黍
出北地江東時有而非土所宜其苗如蘆粘滯與糯未同性其
氣性溫緩毋黍皮赤其米黃惟可為糜不堪作飯北人之
釀酒作糕宋江南所種皆是苗俱似茅種類凡數十早則趕黍黃

百日糧之類中則有八月黃老軍頭之類晚則有雁頭青寒露
栗之類古但呼為梁以本草言之稷乃是今高粱黍乃是今
黃小米乃是今所常用之漕白米也

項氏家藏

嘉興項中輪墨林 好墨蹟古畫多令仇寔父英臨本
今子孫亦不能辨其古畫如顧愷之女箴圖閻立本幽風圖
王維江山雪圖皆尤物也餘不論

王仁端

武功王仁有義才所著有林泉清澈集其詩后詞得詩
即已初不深求東鍾江陽之細或以庚青叶東鍾以寒山

叶鹽咸日歌之不離是即大協我道蓋如是耳客有難者
嘆而不答已而曰於戲三百篇亦古之樂歌也彼之筦絃薦
之郊廟神人以和顧豈拘于韻者天地間所間皆韵祝作
者何如耳夫豈有不協哉見康對山先生序中

牧羊

此人数羊嘗數百為群暮驟往臨道內人交撻如火羊逐一
躍過即得其數

泊人

重舟添水猝不得其處泊者從舟底聽之知某倉受水發之不更

種麦

北地正二月種麥以冬雪厚濕透而鋤之藝麻麥弥茂其月
種曰冬麥二麥熟始種蕎麥

元王禎農書八月社前即可種麥經兩社即倍收而堅好又漢
武帝紀勸郡種宿麥蓋二麥比他穀隔水種故號宿麦

水稻

畿內間有水田其稻米倍于南聞昌平居庸關外保安隆
慶陽和並藝水稻其價輕

北人熟食多屑麥稷蕎麥為餅餠及桌飯至速客始炊稻
市僅斗升其價甚昂土人亦不之種密縣趙化寺前二區三百
畝始稻密縣志按稻必水因此多墳土易委稷麥粟其濱水

處又直渠而少支流不能時榷又無水農以導之故田有遺利

早蔬

漢太官園種冬生葱韭菜茹晝夜炎蘿大待溫氣乃生見漢書召信臣傳令都下早蔬亦其法以先朝內監不惜厚直以供內庖三月末王冰不一寸輒半錢四月初茹彈丸或半錢

福州梨

福州有梨十月方熟重至二斤甚甘美

芥

江南芥生于澤視為剩物北芥土種修可二尺味亦佳

筍藕

北笋以蘆以蒲非竹萌也其腴脆如筍藕細如小兒臂不耐嚼屑為妙佳甚

橘子沙菓

吳匏庵先生集有馬櫟榔詩白花細向東塞甘酸可嘗意即櫟子也林檎音卿曰花紅北人曰沙菓又柰似林檎而少人曰唬喇櫟有紅黃二種

芍藥

宣府赤城衡春時芍藥滿山谷人摘其芽或鮮食或乾食以和牲俎味佳甚放乘之發所謂芍藥之醬也隆慶州歲貢芍藥二百斤永寧縣歲貢百斤並充藥物

大同山陰縣辛寨南山巖龍王祠前芍藥一叢五歲開花五
朵色各不同昔有一僧折其一以供佛隨委復至其處前原空
復開一花如舊人驚其神異不敢攀折雖無藥欄牛馬不敢踰
昌平州西居庸關外三百里至赤城始見屠寧席多木器

赤城

去赤城衛十二里湯泉周二畝涌可燭雞良久輒糜常隨
大牛膚漬外

鹿園

崇文門外二里大通橋東園舊春底處地平如掌漫衍數里

銀魚

寶浙銀魚似吳中鱠殘而大倍之出海中舟山下於不霜後漁沉
而上舟子諸沈中夏霧暝日波浪皆成銀色人每候其至網之瓦
密頭出尤佳有銀魚廠命內監提督冬月抱子以水進價頗貴

西安低銀

友人朱載儒過西安言市易並低銀余按原對山集有為鄉人諺銀
禁書云此縣自國初至今惟納邊錢糧用足色其餘用使常五六
程耳九程則太高者也今欲一切悉用足色使貧者與無衣服寶器
物以十易五尚不得常行六七程謂為通行之物今被撫公之命市
井之徒動勤捲桶提桶者此閭足色銀之別稱被貧寒之家安得
有捲桶耶撫公之意以兩直隸山東河南江淮俱行用細然銀蓋此

數處錢法通行故不得不用細然今若能使百姓通用錢法則
可不刑一人而自無偷銀矣云讀此知習尚難變雖厲禁無益也

鄧將軍廟

萬歷戊戌副總兵南昌鄧子龍領衆援朝鮮渡鴨綠江有物觸
舟取視之乃沉香一段把玩良久曰宛似人頭爰護之每入夢則香
木與人首或對或協向為一後牌沒喪其元疎骸以香水雕其首
酷肖子龍今建州人立廟事之甚謹謂其神能制死命也

建特廟于朝門之巽陽丹楹黃瓦元日臨祭餘常

輦入大內由中門導從甚盛 不是過也

張津

音海寧魏極帖寬一分則民受賜一分取一文則官不直一文嘗
閱閻書云博羅侍郎張津知南安縣所書于屏者先正愛
其詣故傳錄之

董學

棗強縣東三十里董學古廣川也漢董仲舒授徒處今土人
蘇氏云其先董氏受業者

炎帝塚

澤州高平縣之東北羊頭山舊傳炎帝種立穀于此至今
山下有黍二畔其南陰地黍白其北陽地黍紅

晏豐墓

臨菑縣城十里內外葬多大塚小者二三丈大者迫同帶阜皆
齊初居臣墓地獨田氏四王冢在南山下巍然並峙人言塚
皆發掘獨晏嬰墓近之屢有神怪不可穿

轂讓橋

順德城內轂讓橋俗呼為板橋

孫夫人廟

蕪湖縣梁山螺礎上孫夫人廟吳王權女弟適劉先主者也神
極靈驗寢殿男子不得入薰沐衾席朝夕嚴潔有男子拭其牕邊腹痛

寶島村

景州法善寺唐瀛州也范陽寶島嘗祝髮于寺在州城西蕪

沒靜夜后嘗聞鈴鐸梵唄之音其村即以島名後居房山而
峪舉進士授長江簿卒踰墓房山城南十里

袁天綱遺蹟

袁州燒磚瓦不黑而白云袁天綱遺蹟

善濟侯

莆田縣大山神曰善濟侯最靈怪土人不敢犯興化衛指揮丁
歲讀書持正直上山巔鞭神而睜亦不能害

石蓮

趙州寧晉縣有石蓮子皆埋土中不知年代后民掘土得之
有數斛者狀如铁石內芳香不枯投水中即生蓮葉食之令人

輕身延年已鴻瘳諸症

玄狐教

康對山集云咸陽醴泉三原三水淳化高陵瘦有之但不若涇
陽之多耳此教風行二十餘年妖師所至家事若祖考惟其所
命極意奉承一飲一饌妖師方下署口其家長幼大小即便跪
請留福奪去自食至于退處空室則使處女少婦次第問安
倘蒙留侍枕席即為大幸有福云按今聞否教即狐妖也
大啟間國行致徐鴻儒之亂近有長生教但齋素點坐男女
消雜立廟宇臨平上和最閑麗餘見于各鄉者不啻里有少婦
往海鹽四人昇之值彌騎謂彼佛耶我當射之不動方知孤其

娘處下與而走被污久之愚俗冀福誰子妖師可歎也

田氏鐵獅

故左都督田弘遇賜第前鐵獅二元貞十年彰德路騎造精
熒不鏽吳駿公先生作田家鐵獅行曰田家鐵獅屹相向甜談
蹲衷信殊狀良工朱火初寫成四顧咨嗟覺神王先朝異
物移來西極上林金鎖攀檻出玉闕龍獻獸圓空刻盡丹青似爭
力武安戚里起高門欲表君恩示子孫鑄就銘詞銹日月大昭神獸
守重闈第令監奴晴閃爍老熊當路將人擅不堪此子更當闢鈎爪
張眸吐鞶齒七寶香碗玉辟邪嬉游章伴入侯家國人新進天闕馬
御賜仍名獅子花假向羌胡裝粧雜技狻猊突兀拳毛異吼擲聲

畫鼓催條支海上何由致異材迷獸宿超岸其氣無如乃將軍將
軍豈是批熊手瞋目嗟呼天下間省中忽唱曰粉死青犧明年食
龍子啜墓血洒上陽門三十六官土花紫此時鐵獅絕可憐兒童
牽挽誰能前索驅摩肩牛偶角霜推雨飢枯藤纏走念古未能
改眼鼻虛沙經武載領鎗無能護此門畫圖何處殊西海奇聞治
州鐵獅高數丈千年枯氣難凋喪風雷夜半戲人間紫皇戰伐
英靈壯蘆溝城雉對山橋上征人竟不還杜利蹲獅七十二乘
乾流水自源秋風吹盡連雲完鐵鳳銅鳥鳥飛不得却羨如春
有化城杏林獅象空王力扶雀簾牛見太平月支使者首西京
并州精鍛終南治好鑄江山莫鑄兵

蘆溝橋石獅向行共三百六十有八

沈氏人頭鳥

天啟間義烏沈司城明道家于野塘人頭鳥二双獲其一大如鷺灰色餌以飯後死其孫幼嘗見之為余言余按山海經顛鳥如豪人面四目向有耳見則大旱沈氏所護或顛鳥然不言其四目也

天台金錢

宋嘉泰四年天台石梁下涌出金錢負徑六寸文曰太平通寶寔宋太宗賜道人自訥者僧徒分攫則青蛇駆逐樵牧採取則墮石塞穴乃白子縣命之遂潭台州府學教授有記

明天啟年石梁下又流出金錢一枚重一兩錢

宜安

藁城縣西南二十五里有宜安社宜安村漢舊縣地本趙地
史記李牧拔宜安走秦將桓齮今父老指其阜曰李牧塚
指邱曰廉將軍臺見石熊峰集

袁景休

吳縣袁景休孟逸善歌詩賣卜終老劉子威以文自負景
休每向人摘其字句鉤棘文義絕謬者以為妙嗟乎歲間之
大愁訴于尉尉摘向笞之尉詰曰若故復娘姨哭劉侍御文章
郎景休仰而對曰民寧更受笞數十不能改謾劉侍御也尉

笑而遣之

諧軸

南京內府織造局神帛堂絲料

制帛一段長六尺斜絲十五兩每尺該絲八錢三分三厘強

諧軸一品文職長丈有二尺斜絲一斤十二兩六錢三分三厘五毫
二品長一丈料絲一斤六兩六錢六分二厘五毫

三品長八尺五寸料絲一斤四兩一錢八分七厘五毫

五品長六尺料絲一斤五錢一分二厘

勅命一軸料絲十三兩六錢九分二厘五毫

諧軸武職料絲十三兩一錢三分八毫

石鼓文

石鼓文潘廸有訓奇予得唐人拓本于李文正先生凡七百二字蓋全文也嘗刻之木以傳矣然都元啟金薤翁梅因廣文選所收仍是殘闕四百九十四字
楊慎金石古文

空石

會稽山禹陵空石高七尺銳上而廣下上有孔其形如鑊可撼不可動相傳其下有機械故也舊經曰禹葬會稽山取此石為空上有吉隸不可讀今以亭覆之宋魏王翁詩禹穴元從一碑通禹陵元在龍山中飲泉空石皆如此誤却東游太史公頃歲丁亥土寇推石仆之徒平地無一他物

南宋六陵

會稽縣寶山去城二十五里高孝光寧理度六陵在焉明
初遣祭孝理二陵主享殿以孝宗志恢復理宗重道學也

萬壽寺戒壇

萬壽寺戒壇距京城面七十里每四月八日席棚滿山方僧下妓
給錢擁醉士庶孰以為笑猶為有元之遺俗焉戒壇後五里
杜樂峰也有龐涓洞又西孫臏洞

謝通墓

都城廣渠門尤沙河門外北里莊其南坡荆丈通基高四尺
俗目之
相傳通時出沒其上高冠廣衫道人裝一童子携沙燈隨之

墓百步外一井水通向井汲乃反萬曆初邱太守墳墓其側
遂不復見墳夢水通貫以尺寸地不相讓邱今邱代微矣

愁題草

房山縣西南四十里石經山生愁題草他處所無日愁題山

仙梅石

岳州岳陽樓仙梅石得之土中其文斑剥似梅花

棄金坡

安邱縣棄金坡即管寧舊宅

土炭

丹陽練湖旱時土人掘葑淤二尺餘得土色黑性埴可燃代炭

王龍澤

宋義烏王龍澤字潛淵度宗咸淳甲戌科狀元也官簽書
昭武軍節度判官元時拜行臺監察御史卒墓其墓
堙久朱氏築祠其上塚土見冢刻不發而祠且成從無及未
孟九太史說

韓愈

一統志韓愈南陽人今修武縣北南陽城是也何文定公集云
韓文公河陽人今孟縣也縣西韓庄有塚云公墓公集有過
河陽省墳墓攷我家本涇穀有地界與草之句則公為孟
無疑唐史乃謂公鄧州南陽人蓋傳誤耳弘治間尚書耿

裕秦立祠

鎖穴

大別山鎖穴即孫皓鉄鎖截江處對江即黃鸝樓

長平公主誅於江張良

長平公主者明崇禎皇帝女周皇后庶也甲申之歲洪
武有立皇帝命掌禮之官詔司儀之監玅選良家議將
降主時有太僕公子都尉周君名世顯者將奉平陽以館
之間沁水以定之武宣天家行舟日矣夫何號號鷗張連臣
不誠天子志徇宗社國母婚嫁慷慨火馬公主時在裨齡
御劍親揮傷頰斷腕頹然玉折宵矣闡推賊以資主既殞

授屍國戚覆以錦茵載昧椒里立宵冥究轉復生泉途已
宮龍髯脫向劍遠蘭薰鸞殿蕙性折而神枯順治二年上
書今皇帝九死臣妾弱瘠高天髡綻空王庶申閭社
上不許詔求元凶命吾周君故創是合土田鄰第金錢牛
車賜予有加稱備物焉嗟夫乘鷁扇引定情子政翔之朝
金犧車來降禮子故侯之第人非鶴市慨紫玉之重生鏡
異鵠臺有樂昌之再合金枝秀發玉質含章逢德曜于
皇家近極君子帝女然而心悲宮帷神傷輦路重雲華
墨何忘金榜之門飛霽縠縠林豈意玉簫之館弱不勝怨溘馬
堯逝當秋采上仙之日距稼李下嫁之年星燧初周芳華

未歇嗚呼憑弔都尉君悼去風之不留嗟沉珠之乍消銀臺
竊藥想斧月以何年金陵薰香思返魂而無術越明年二
月之吉葬于彰義門之賜庄禮也小臣晨薄游京輦式
覩遺容京北雖阡誰披板館祁連象塚祇印松闕擬傷逝
于子荆朗香空設代悼亡于潘令遺掛猶存故舟拜為
之誄云

文晨記事曰甲申春 上議降主時中選者兩同君其
一即都尉也其人內臣糾家教失謹即披辟內侍祿都
尉驩曰貴人遺貴人是無疑矣順治二年詔故選子弟都
尉君應詔起是時有市人子張姓者冒選應危得之矣

召內廷給筆札各書所從來市人子書祖君父皆市儈則大
叱去曰皇帝女配屠沽兒乎命都尉書則書父及僕公祖
儀部公高曾以下皆簪纓亟大喜曰是矣即故武清侯之弟
賜金錢牛車庄一畝田若干頃具湯沐成吉禮焉時丁酉六
月上浣事也公主喜詩文善鍼飼視都尉君加禮御藏
獲陽笑語德處即飲泣呼皇父皇_{西注}盡繼以血以是坐
羸疾懷娠五月於丙戌八月十六日薨年齡十有七耳都
尉歲所遺像右頰三劍痕即上所擊也老內寺見輒
拜曰眉似先帝云

孫承澤春明夢餘錄曰公主名徽娛甲申年立傷寒脣

肩降明年九月成婚丁亥辛公主葬周氏宅旁今地賜
豐祿王垣之不可入在廣寧門內周世顯父國輔

趙瑛

廣寧門元彰義門俗目之在外城西南門外天寧寺正統七年重
建塔輪壯麗內侍趙瑛連城巡禪于此嘗值之間以遺事
云懿安張皇后被難至偽將劉宗敏曰國母也母自辱
送歸外戚張氏張氏母同懿安皇后投緣故曰附德
陵先太子被脇東出師勞憲亮于三河其後入燕入長
安俱偽也如果太子更入燕何為豈仍有十秋之望我必
不然矣此不過狂少年失計圖一飽終其身耳又責妃妾

氏流落雄縣氏間事零雄縣令送入京卒寫行人司致餼
前歲卒給五十金葬西山熹廟妃東李氏及趙氏俱存
又貴妃田氏名秀英妹淑英今史嫁天壽山十二陵初歲
癸年永今止三牲平西王吳三桂損千金營恩陵本朝
亦助費若干云

熊明遇

進賢故大司馬熊壇石明遇隱山中金聲拉之更招大司馬
荅以詩曰脫却朝衣換衲衣人生七十古來稀乾坤廣大
容吾老不管人間是與非

高倬

忠州高倬嘗章笠金華嘗夜坐衙舍有兒裸立高色
不動叱而逐之兒奔入屏隙高引筆署封字兒不復出

感王贊

吳縣臧王贊崇禎丁丑進士令蘭溪秋毫不縉賚家敗
屋三間風雨漂零漠如也蘭溪人過而遺金帛不受今
杜戶不出

朱大典

東陽朱大典未孩撫淮時退食偶抱幼子戲詰云再任三
載其庶子適逢人旁聽逐夜下山陽令立成子獄令詰縫
人何昨日寔未嘗忤適龍其所云耳

王紹徽

關中王家宰紹徽與馮都憲少墟先生從音同居省城以
少墟講學病之各不相見慶弔俱絕家宰汚于魏璫敗其
名向性亦清執不問生產田宅如諸生時無寸進霍魯齋
先生說

薛國觀

韓城薛相國不良久坐賊五萬藉其家財六百金新居廳
事三間共室四進並世產也好使氣故鄉人不附霍魯齋
先生說

薛國初直閣欲出榜思久之書到任未久云中書某從旁曰

宜履任方新即改從之

孫之獬

淄川孫之獬以翰林侍講于崇禎初爭三朝安典時編修倪元璽倡言燬之也燬之日孫大哭於朝自免歸甲申降李自成起官翰林院胥吏竊語孫厲聲曰我親未盡子入辭不得已為此我獨不能為倪鴻寶乎後堂榜曰聚星以犯偽相牛金星諱毀之入清朝拜指撫江西兵部尚書無右副都御史未至轉內翰林讀學士之獬天啟壬戌進士

楊昌祚

崇禎甲戌杞縣割理順宜興吳國華宣城楊昌祚以進士及第拜官後各領廷試卷後昌祚夜被盜楊篋出割得廷試卷塗棄之邇騎拾以呈東廠曰上進亡何上命取甲戌科鼎甲卷入覽劉吳並如命昌祚計密砍藉言付跋未易及也或曰上徵廷牘必有故恐即在內中宜以寔聞昌祚從之得不問劉吳卷竟不復給

王斥

蘭陽王斥字玉屋崇禎辛未進士敏給善諧謹壬申除滋陽令六月淮事十日以魯宗人壽鎔殺以幕斥承牒治其獄鞭壽鎔十五忤魯王為巡按御史所劾逮下法司

謫戍睢州銜行時斥御與赤幘列二赤捧牌書欽戍睢
陽其姻家嘗召飲斥戴紫金冠而往凝坐不一語酒半忽
起入優舍裘巾帽如婦人登場歌舞曲二闋而去其狂誕類
此壯歲十年庚辰上疏自理略曰臣功崇禎辛未進士
中四月除汝陽縣六月二十八日到任七月二十日回山東巡按御
史以擅刑宗室激變地方見劾逮戍睢陽九年于
茲嗟乎臣獨何心能不悲哉古者違罪人于四裔曰禦魑魅
明其不以為人而鬼物之也况名業辱在縉紳一旦賤不齒于
瘠民又不能有大馬之決一瞑萬世不視尚蟻貪幸得減死
博然視息人間世唐耻則勇可謂但盡臣獨何心能不悲

哉然臣之所以含酸茹痛不敢一言自明于當年者誠念
折翼窮鳥方在羅網直指不出力殺繫臣以軒輊之詞不
啻注洪海之波以沃漿灰頽華巖之巖以糜虫臂奮
烽而反唇相稽墮井恐還復下石之毒始獲屈而吾舌尚
存誠益當終有見天之一日也陛下累除禁錮之令弘使
過之仁顧臣子立無援且淮官淺能未有所効非寔如
鮑叔之深知管仲孰敢為劉陶之浪任朱穆新穎許罪
人得輸鋟自贖興感余臣力與願違墜兩隕揮有鴉
項黃誠荷戈以死卒不獲沐聖天子之特恩休澤也
臣是固拊膺痛心而直指又不任職罷去臣乃敢以負罪

願末一為皇上陳之夫壽鎔殺死以澈乃臣未革任撫案
批滋陽簡審不敢間經年矣臣到官吏胥雖臣亦樂目見
命兩長史與俱及期南面設三位臣西向左長史東向右
長史比臣肩簡竟使前受簿責則皆左右隣林連者
臣願不能平呼渠魁移時乃昂然戴冠博帶高趾闊
步跋立于前而左右翔若無人臣益不能平是無朝廷王
尺矣笞十五釋株連者械之先是壽鎔以五十金賄左長
史右長史用醫幸王見臣執法各憮震失氣惟是易謀
大家昔人所戒臣之疎臣不能自諱也然是後也臣以為
直或雪生事惟人鬼不圖壽鎔夜號召火黨鳩眾挾揭

與臣為難詰朝臣猶鬪一千人犯赴縣成招而長史司發諸
宗要故之臣具啟王授臣故糞溷中臣乃求去官杜門士
民具伏保留臣之懇臣不能自諱也至云擅刑竊謂以
朝廷命吏不敢尸一罪宗之獄屑焉假王位為虎附而長
史如鼠婢識者或有畏首畏尾之談翻得自用自專之
譽臣寔媿矣至諸宗各從其類士民亦自行其直意偶
相左聲僅及惡大何所殺何人而無故張大其事曰地方有
变夫地方亦幸而無變也假不幸當日有俠如郭解劇孟
者沉憤諸宗之強梁淺蓄怒以目眾趙人嘆薛公之變
興于感際華臣遂猶狗之禍生於慮表敢忘故請陛下

下當謂誰是激之乃尤可典者直指初特勇士行虧受
之仇証既亦知貿入告之無謂作事失謀始自過遂尔
作非必欲寔諸宗產刑斃命之口陷小臣以蹊田奪牛之
罰遂有老病考終牖下而曾曰公簿懲者指曰杖寔致
之苟請他比構成臣罪嗟乎臣獨何心能不悲哉臣以廿
日令為諸宗窘辱其逮也士民數千人攀轅痛哭當
日官旂具在人可質訛故忘死請陛下此豈甯成義縱
所能得之百姓者哉假能得之竊謂盡得令如是與
之理天下足矣又何多誅焉臣少負不羈危行高論寬
其用敢必猶人數年來魂驚湯大神愴鬼禍則足含咨乞

大絕望于鄰姬身尾懷安熱中久冷于漁父第以生光輝
之世惟工驅之討注寢痛之耻之且近患嘔血之疾藥石
無功昔人不得行其志往往有斯貧病交侵理鮮老壽嘗
恐不及客星見于天青輶呼于市薄命之人旦晚徇馬旗
清壑世有不畏強禦之士懲臣為前車而又為醒諭剛
茹柔者藉口此之所為骨即冷而目不者也故冒死哀
鳴乞陛下之憐察之也疏上不報疾亟自作墓志銘曰
誰之不如而作公卿奚養之違以不久生同年張天機

刻其遺稿

辨黃石齋薦事

孫侍郎北海承澤作四朝人物傳以黃道周謂相國賀逢聖薦之吳駿公先生曰昔往見溫體仁當國雖推風望之臣如上饒以律以醇謹易與也吳人群推文、起文起雖清望嘗議烏程不心折語人曰文、起議我、未之服服我者必賀對揚委居之也烏程素貪財好色目廷評入相寔自屬不縉妻居之性清執是非升、對颺敦雅不甚練事故烏程引賀直閣東宮出閣孰就學推講官不及道周同官項水心煜楊機部吏辟各處臣才不逮黃道周也時烏程罷淄川張主發句容孔貞運辰事關疏自辨且訛道周嘗薦鄭鄧二人內有曰居子一言以為

知一言以為不知言不可不慎也。予道周引謝楊机部又上
言孔子聖人也自謂詢命不如宰予管子賢人也自謂
造詠不如東郭才後世不以此置貶于道周何多求焉
一日道周偉業並韓官朝謝畢會閣臣于直廬對
颺日前揭某所草也先是閣揭出辟議淄川句容不以
及江夏立是士論不之直亡何會省中泄旨事江夏論去

榜購一詞

總督楊文岳嗣昌出師榜輯劇寇張獻忠畫六頭書西
江月詞一首曰此是殺城叛賊而今狗命垂亡興安平利走

四方四下天兵趕上去改名換姓單身黑衣逃藏軍人
等紳未降玉帶錦衣陞賞此詞徧粘通衢可矣甚矣

崔青丸

都人崔青丸順天諸生也善音繪軌守寂無子贊婿
無賴盡破其產甲申之亂竟餒死吳駿公先生題其洗泉
圖云嗚呼顧陸不可作世間景物都蕭索雲臺冠劍半
無存維摩壁全凋寥落間元名乎空想像臨陵御馬
通泉鶴燕山崔生何好奇書畫不肯求人知仙靈雲
氣追恍惚宓妃洛水乘龍螭平生得意圖洗象與未
掃筆開屏嶂赤扇如披羽裳白牙似立含元杖當
時駕幸承天門薦旗日月陳金根鸞鳴鍾動双闕下

巍然不動如崑崙崔生布衣懷紙筆道衝駒哄金吾卒
仰見天街駒象未殊去沉吟思十日眼前突兀摩挲非
山非屋非陂院昔聞阿難騎香象旃檀林裡頻經過
我之此圖得勢勢目多羅樹金沙河十丈黃塵向天闊
霸天夜踏宮牆月笏豆支未三品料鞭梢起就千官
謁材大寧堪世人用徒使低頭受羈紲京師風俗看洗
象玉河春水涓涓潔赤脚烏疊縛雙蹄六街士女車
填咽叩集殷成北闕雷怒蹄捲起西山雪圖成懸柱長
安市道旁觀者呼奇絕性僻難供勢要求價高住石
家倉十餘年未以事變碧雞金馬驚傳箭矢入善衆

教象兵扶南身毒未酣戰惜哉崔生不復見畫圖未得
開生向君使從軍使趙陀蒼梧城下看如鍊史作昆明
象戰圖止須一匹鵝溪絹嗟崔生餓死長安陌亂離荒
草埋殘骨一生心力付兵火此卷猶存堪愛惜君不見武
宗供奉徐髯仙豹房夜直經游改青熊蒼兕寫奇特
主尊催賜黃金錢只今零落同雲烟古來畫家致身
或將相母青疹涪誰千年駿公先生丈工詩餘善填詞
所作秣陵春傳奇今行世當作賀新郎一闋萬事催
華髮論契生天年竟夭高名難沒吾病難將醫藥治
耿胸中热血待洒向西風殘月剖卻心肝令置地問華院

解我腸千結進往來倍悽咽 故人慷慨多奇節為當沉
吟不斷草間求活父哭肩頭爪噴鼻今日須難決絕早悲
若重來千疊脫屣妻孥非易事竟一錢不直何須說人世
事終完缺

王重戒贊

金煙王選部府三重威壬辰京薦剖見玄武像眉周如
畫目不復者選部部親為吳太史說

岳父軌事

長洲文待詔徵明為崑山本政吳愈之婿書致吳稱岳父

王倬續配

太倉王侍郎質菴停元配氏生子情官生晚年五十四
行見氏女當織不舉目異而納之生忤·生世貞世懋名
位奕冠冕海內

續文獻通考

華亭王訢續文獻通考其藝文類載琵琶記樂府水
滸傳謬甚·國朝宗室鄭越襄荆淮勝梁衡王孟仁
宗昭皇帝子而云成祖子其誤庸止曾色亥豕耶

李潛伯

潤江李潛伯能詩擅亂死蒼頭能口記數十首
目搜刻之見溧陽陳百史序中蕭韻士有僕杜亮愛其

博與雖羞楚不忍去今得李氏蒼頭尤奇

銀山

天台縣南十里銀山萬曆二十六年採鑛四月四日太監委官
來采之不得先是地理言此山居午動必致火五月縣東
南果被大風復采不能得明年閏四月內臣劉率
同知黃溪入取砂烹試不得

顧成墓

鎮遠侯顧成蓋江都縣官河之東嶠亂後為達僕所
發訟于官達僕論死追黃金十兩白金五十兩銅鑑等物深懼刑
盜骨在

永順保靖二司土風

永順長官司長官彭弘澍地周七百餘里設立十二旗各旗
或千人或三五百人自耕自食聽徵發十抽其名裝餉限日
踐更毋踰期者五十旗舍把分領之其二王官自領

上官嬪名寵致巴擢致巴寵巴擢巴擢麻金夫人銀夫人

男子綱髮或布纏項短衫短單祫者加重刑舍把革公
服如漢制嬪飾涪粧鶯鬢燕尾耳環繫貧富判馬彩短
襦長似帷裳二重必曳地不袴不弓足土嬪草履官嬪
朱履野行乘馬

土官署壯麗直段錦山原名斷頭形似之土官諱而改馬
自前代來子僕多篡弑則滛禍也

永順鎮溪界接辰州自鎮溪而上曰鳳灘刺灘大石橫枕最
湍險過者必割牲以禱長年二人首尾刺船浪高至數丈
舟僅露首尾倅者十之七

永順轄崇山有驛院廟土人修怨者持牲酒往詣之三日
怨家多斃漢官車騎經此判署止藍墨筆不宜殊、
則被譽

漁戶最悍有警即充前鋒春夏間土官觀漁為樂先載
流聚魚侯土官酒酣入水捕魚口噉一手捕其二躍岸稱賀
土人喜織絲大尚布以苧麻拭汗不穢

茶用草葉荊芥麻茶椒薑等杵茶雜和之晨起數甌

點以炙麵味辣而濁

種晚稻曰堂禾米

酒亦如雙投法迺以荆芥杏香等物色清黃味冽曰尚
酒外販得善價磨乳合蒸為粉水調之承以箕灑其粗
者冬青樹子點茶

土人見席伏草間捕者樹竹柵圍之凡三層必積低一隅
俟席之軼候六七日席飢火逐告擒以獻

魚類不一有溪魚唇豐腦滿脊青腹白匯石隙不耐離水
土人夜維兩艇烹炬前人持火後叩板魚聲仰腹叉中之
百不失

山上有異書貯以沉香匣其形如棺半露岩間土官嘗往
發之輒值暴風雷而止辟削十餘仞石乳凝為大土房列
瓶馬善財龍女等像儼如圖畫

土司西嶺山高雖大風第見嶺樹搖曳不定不之覺也
冬不甚寒少雪衣麻數重足禦寒

舍把各居一莊自耕織畜產不等所獵禽獸董之以饋
外客馬少而駿登山如履平地

土官食蒸豚喜全體豚雖解味腴重不過十斤

夜寢男女同一室坑上僅距尺餘慢隔之

土人絕辟止騎稻草一束推下亂石間不傷號草馬

土產臘梅通草黃楊沿溪連嶺土人以為薪不惜也
上官饋客嘗食外禽獸野味凡百餘種而不可多受以人
貪虐然為輕重

以上二司土風有客向習被中者為詳其事而錄之

珠池

廣州府城三門官署外俱節金珠池即在海中一望沉碧周
若干里餘則濤浪排空矣崇禎三年珠繁其後甚少天涯
驛在城南旁為海角亭

都市

北方待期向市日集京師大明門兩旁曰朝前市不論日

保靖長官司長官彭朝柱與永順司同支令甥舅矣亦
時仇殺設十三旗地匪于永順而兵銳過之旗各一舍把
土官自領其一纏頭短衫刀耕火種其田再易三易
者不賦居室衣食俱潔羨器自外郡至漢官至例公
識酒九行優唱九酌更請先生客一人主席舍把左右
侍生上官微服給役聽漢官語嗣後正筵方出歎俗好
巫凡卜迎老巫鼓樂幢蓋導至一荒坪擯矛而裸跣其
上舞蹈婆娑尋引斧呴畢脣腦至胸取肝瀝血以祭土
官刑牛馬禱焉土人以五色旗繞壇而呼巫仍呴納肝
躍下被法服同主人至暗室張數燈書主客姓名庚辰

分燈歷一晝夜明則吉昏則咎老正胸額及廢可數也
土官延客優人備南北調正席坐後撤送副席始供著
食盒是織金錦籠器進之每進侍奴高唱主人方舉箸自
起行酒至十餘金銀犀玉等器一酌不再值以建悅飄
及土物之佳者遞陳于前更衣啜茗至別館進女妓夾
侍爇香秉燭其禮大抵擬于王公

保靖山連酉陽司相傳大禹所開岩壁有斧鑿痕一溪
中流自蜀分派歷酉陽保靖永順三月出北江經辰常匯
洞庭以達于海水多碎石流徙靡定水性冽土人涉水沒
脰即仆不能起下灘轉曉數十里挽舟而上少不速覩倒水
過矣

東華門外燈市則元節前後十日東華門內四內市則每月三日正陽門之橋上曰窮漢市則每日晡刻刑部街西都城隍廟市則每月朔望及念五日今廟市移外城報國寺期如前甲午冬增市靈祐宮則每月八日燈市亦移正陽門外閭之人皆不如昔日之盛

衙衕

京師各巷曰某衙衕其義無出謝肇浙五雜俎曰閩中方言家中小巷謂之弄南史東昏侯遇殺于西弄即巷也元經世大典謂之大街今京師誤為衙衕

新安洪孝廉某計偕道臨清值雨後驅油轔游于平
康見薄妓摘衣向寢閣之曰我寢衣也洪目納眸金中
妓作色曰何汚我錦衾芳祠半洪曰此吾寢轔也遂閑
始知為孝廉也乃引謝

偽正文體

李自成盜據闢中令諸生經義俱散文典八股對偶禮
政府尚書輩炳侍郎姜學易從事秦鏡提督校監
察御史黎志陞等六人各撰文一篇刊布為式

後宮內帥

真寧文翔鳳繼室鄧氏定遠侯之裔也其姑字秦郎氏

往依馬通慧工繡繪書法文翔鳳壁之齋從游未央宮
詩人醉卧未央宮笑弄晴霞映酒紅落葉漸隨寒蝶
舞高秋與氣碧烟空又和翔鳳詩幽人閒水更撫琴好
傍清池發妙音曲徑橫穿花意密重臺斜拂竹情深
荒籬媚荀含金嘆跡木寒禽夫王吟欲攀絕日留歌舞
縱迫殊心恋慕岑氏既娶居後李自成陷西安前奉政
張國紳故文之同年也言鄧氏才貌子自成自成名入封
為後宮內師與妻女講毛詩自成敗遂家或言於北
將携入京在道列牌欽名後宮內師在道口占三峰一
別不復還

和淚彈妾與王端同薄命學騎胡馬

度陰山內院范文程聞而購得之其弟鄧元薦知貴
梅縣

謝茂秦直說

謝茂秦林詩家直說載山房隨筆曰禽言其曰鵠鵠
鵠鵠鵠帳房偏野相喧呼阿姊含羞對阿妹大嫂彈
泪看小姑一家不幸俱被擄猶幸同處為妻奴願言相
憐莫相妬這個不是親丈夫此作可悲讀者尚不堪況
遭其時手茂秦又載馬柳泉賣子歎貧家有子貧亦
嬌骨肉急重那能拋飢寒生歟不相保割腸賣兒為
兒曾臨時一別何時見偏撫兒身舐兒面肩命豐年來

贖兒無命九泉抱悲長嘯兒切莫憂爺娘憂思成病
誰汝將抱頭頸足哭聲絕悲風颯天范

梁州志

梁州志革廩本李姓嘉善丁清惠公署奴產子也今俾
讀時警敏不群得補諸生曰丁中龍義視諸郎君作
黑大王傳以刺之同學常曉呈于清惠遂呈按察使
陳良訓捕之急走松江改善中歲已走湖州改孫璽仍補
諸生清惠聞之益購捕遂走揚州襄陵梁尚德以治
鹽筴子視之又好游狹邪義母張氏有後言尚德曰大
吾門者此子也第仕之毋問所出入已就試襄陵不見容

會有大士之例入貲諸生庚午舉于山西明年辛未成
進士出右中元倪元璽之門齒錄俱書父尚億母張氏妻
費氏則元配也所刻制義故誕肆不經如子路止宿節
破云相思相見知何日此時此夜難為情如舜南向而立
一句文有云謹具田間大老計聞陛下門生如以直報怨
文起云殺人之父兄子弟人亦殺其父子兄弟奸人之妻子
朋友者人亦奸其妻子朋友奪人之功名富貴者亦奪
其功名富貴壞人之節義文章者人亦壞其節義文
章凡怨皆當報也是連何德哉古此蓋為丁代發也已授
城固令八月調劇長安先是故里舉家下獄至是托保

遣舟盡携以行在任三年馳封尚儻行內召而倪元珙以御
史按吳為遠常晚杖褫之丁公子鏞度其反噬入奏其
無賴銀臺不納而御史松江張為清惠公門生遂奏
梁州杰穢豈與狀有旨奪職州杰寓闕中四年益酣淫
放浪恣為奸利尚儻沒但白衣冠不衰不喪巡撫孫傳
庭勘上謂本丁氏僑書非蒼頭也陳良訓時轉陝西
左贛治口河証州志文賂大璫曾化淳數千金有旨復官補
曾縣娶甚奇罰富室以事朝貴遷刑部主事未赴
病還襄陵猶市住御史大憲嫌其堂卑改築立樞堂成
州杰伏枕不及居一日以消渴疾卒分其家頽落有遺議云

咸寧王文宣說

惠世揚

未脂惠世揚元孺萬曆甲辰進士曆刑部右侍郎李自成故牧卒嘗給事世揚之門及潛位思世揚語人曰得惠先生來則幸甚因致書世揚即至拜右平章事時左平章牛金星也世揚撓大轎揚揚出入亡何自成敗走世揚往北兵入燕三年不見用或問其困秦世揚先朝風望今年老如未周當放歸母令索未長安也攝政王從之世揚遂里縵德副總兵王永強作亂劫世揚往軍流掠富平敗于未原鎮未強自縊世揚不知所終

辰州杜烈女詩并自序

余辰之城南杜氏女也父偕公母姜氏生余二女及兄弟丙
人每孚余之夕夢一女子玉聲璆然向母而揖自號英臺小
姐欲粗居數載母覺而孕及期生余遂名小英父母曰
愛之余嫁母通鄂東王氏素巨族善刺繡早寡余每就
姨學之頗工余舅氏姜伯仁邑庠博士也余祖與父俱
博士負舅氏嘗過弄余喜余魄欲訓之余母喜而聽之
迎男子家之小園挹涼軒取古今烈女閨訓逐一詳誨
其古文詩歌例皆烈女節婦語錄他不敢從余嘗讀
木蘭記述黃崇嘏傳莫不心訝以為女子混迹男兒縱

完璧亦感身危險切非之甲午王師掃蕩辰以左右
舉足寃難而全余母携之入山累月遁王師大括山窮
崖絕壁鳥飛不及者拔拔而上全為小軍所獲當求死
不得小軍進之主帥主帥將圖不免余含泪跪曰此身
敢不相依奈母昔年炳余嘗設有誓期為母齋持三年
報今已兩載十月矣尚差兩月倘將軍能寬我俟
回向完沐浴薰衣以克下陳所甘心也不然惟祈一死將
軍姓曹亦有母事之至孝聞余言泪下竟如約盡洋
洞庭全非不能死也忍以一片丹心投之荒烟野水中遂無
知者時當大比楚賢士大夫俱集黃鶴白雲間即錢即

楚與鎮撫楚者或具特識且余里應選者亦必有人是日六
月廿四日也主帥辰起以一鏡贈余、拜受和祝曰彼求鏡圓
吾恐鏡破耳主帥素憐余不欲閉之舟中以漢上一室相
儲日午余自知不免因復詣主帥日感君恩寬主凶恨
含報無地但余粗知筆墨昔不敢言今不再隱矣余母
為他軍投之湖畔今余與汝好合骨肉之情寧忍半故
借紙一幅作祭文江上弔之祭畢則終身偕老矣主帥語以
紙筆給之余私笑曰非祭母也寔自作絕命詞以傳此千古
傷心事目日賦詩十絕以油衣一幅納之胸前至晚臨江
祭母沿大江東去或得與波上下以免一身之辱耳江神

有靈擁余子怒濤驚浪中得傳不朽亦非敢望也絕命

詩十首

家鄉一別不勝情此日含羞到漢城忽聽將軍搜括令教人馬敢情餘生

征帆又說過雙流掩泪聲却夜烏莖入江魚波底去不留
青塚在草平

骨肉親辭弟與兄依人千里夢長驚殊魂欲返家園

路報到雙親已不生

厭聾胡兒帶咷歌號曰腸斷嶺猿多青鶯有意隨

王母空教人間設網羅

遮身猶是舊羅衣夢到瀟湘何日歸遠涉風濤誰作伴
深遙祝雨靈妃

生小伶仃畫閣時讀書曾母兄師濤聲夜悲何極
猶記孤燈讀楚詞

閑時閨閣惜如珍何事牽裾逐水濱寄語双親休眷
戀入江猶是女兒身

生平猶是未簪笄自投江闊歎不齊河伯有心憐薄命
東流直遠洞庭西

影照江干可勝悲永辭鴛鴦鏡斂雙眉朱門空許成
秦晉死去相逢絕不知

圖史當年強解親殺身自古徵成仁智纏離悅奇男
子猶勝王朝共事臣

陳簡肅

睞安陳簡肅雍踰冠登弘治進士在京邸見鼠竄壁
一薪偶坎之得書二秩俱兵道之術讀之神解遂請土火
二道後官勦峒夷出入矢刃間有驗撫巡驗撫南贛
三月晉大理寺卿王陽明代鎮告之曰寧藩必叛宜備
之在棘寺嘗署刑部閩因有僧九人公素不喜僧訊時
惧杖斂逾二日頻見僧為崇尋卒年五十二應和隆慶進
士歷河南布政使于秘書不解矣應和長子某狂易然其

書簡肅公曾孫永遠說

九螭玉樽

崇禎己卯冬錢塘朱方伯本吳以兵備商州嘗墾地三丈
餘得古塚有髑髏如斗旁劍一金甲數葉又九螭玉樽一
血漬斑剥五色皆備朱珍之今不存

神廟遺事

大內牡丹獻開 神廟恩以磁瓶注之偶江陰民有一均州
瓶高數尺許欲得十金或笑之忽內官覓進上喜問價答
曰二百金上諭內官先給百金如未肯再給五十金後得之
神廟寵李敬妃死 上簡括其房間得一床究問何求

曰石尚書所進 上大怒 即除却所服飾 決意誅石星矣
神廟侍太后最恭焉梓宮殯殿座蓮花九枝

神廟間內侍曰外間說我字若何 對曰甚是寶愛 上曰
老氏云知美之為美 于是絕不復書

御史劉光復既逮褫帶落內侍手 上顧見之曰此劉御
史帶也 御史何在 對曰在朝房候旨 上曰送他去

三途並用

三途並用謂科貢吏也 近來人多不知以甲科鄉科歲
貢當之非也

試部曹

奉和郭子章曰南京工部後庫多貯舊卷查洪武年間案卷與今無異特有試印中試負外試主事等官其都吏令史俱用花押視尚書花押不甚小

兔鵠生印

洪武初寧夏都督馬鑑宅所畜兔鵠忽生一印訪于老者同此不祥也城其室乎後空果以付所驗

長坂草

當陽長坂趙雲戰今草尚班

楚志

鮆魚

鮆魚不過鴨闌驛上餽鄭以偉詩出似游魚過鴨闌

西施神

苧蘿村土地為西施蒞山縣

香爐

司馬相如義人賦云金鉢薰青鉢青匣香越也祚席間可旋轉者西京雜記長安乃工丁緩作被中香爐即此

岳飛廟

湯陰縣岳忠武廟閭壯兩廊從祀數十人皆當時同事文武諸人寢殿紀忠武及子女廟門內祠施全鐵鑄秦檣王氏方侯高王鴻光張俊五像過者擊之已破

康朔座右銘

惠安康嗣用復舉子鄉絕意仕進遂授都察院都事
作座右銘中庸五弗措之訓可以為學曾子三省之旨可以
立身孟氏三自反之說可以居鄉

諸城古瓦

諸城縣西南二十里有古諸邑即春秋文公十三年季孫行
父帥師城諸處今城北皆湮而壞東北猶存故跡北臨
潍水齒南嶧堦出古井甃甚土中得古瓦厚大且堅瓦
面皆作細紋聲如鐵扣之鏗然與今瓦迥異二千年前物
也古人性巧心醉凡制為器物皆精緻不苟故有裨世用
不似今人一切鹵莽粗解博利已也 陳端諸城縣志

蟠桃核

南京大內蟠桃核其半容米二升七合左刻蟠桃右刻咸
翔三年又大鵝翅骨長數丈管周尺又大魚脊骨二節合
抱如白以上俱陳冰遠所見

元寶

北京節博庫金銀元寶各一蓋鎮庫之物以梯登其上其
邊尚高寸人也上刻永樂九年

龍宮寶石

成都唐高僧智浩嘗誦法華經所居近龍洞龍女時來
詭經一夕胎一明珠浩不受祿化為石似石榴以水洗之有四

字曰龍宮寶石至今存焉見明初金室禪師宋幼詩中

麒麟皮

弘光帝初顧瑞屏餽錢襯益麒麟皮方二尺土蝶紋

童子命名

新河宋登春游楚京山唐氏贈二童子呼為赤砂白石

夏鍊

天台夏鍊能詩文拙于書凡題識輒令友人潘禎代之
禎弟禡並進士禎嘗有難色鍊于是勉學書自為體
他人不易識也當時甚易之今頗有跡者楊開宗說

丁賓

丁尚書賓初舉進士見座主王錫爵錫爵曰既及第當略看古文丁請古文云何錫爵曰如韓柳歐蘇是也賓問韓柳歐蘇是一人是二人或言廿一史賓曰一个人如何做許多尚書名臣也初年寡學故爾

李袞

內鄉李袞子曰嘉靖癸丑進士選庶常授檢討左遷南京儀制主事歷提學副使罷歸袞多藏書好學著于塙注筆諸書後語該博其持論多歧毀道學訊評氣節而詆王守仁太過言多共寔諸薦者弗與也左官家居好縱倡樂有所狎女侵往來汲洛間袞微

服往從之女優登場為之按節辟優漏言于主人延坐惟飲竟日備鹿馬與女優連騎而去中州人至今傳其事

鄭之文

南城鄭之文應尼公車下第薄游金陵時北里烏湘蘭負盛名與王百穀諸公為文字飲易視應尼應尼與吳非熊作白練裙雜劇社為訊調聚子弟演唱名湘蘭觀之湘蘭為之微笑司業定襄傅振商訓士清嚴一日名應尼至東廂下出一編擲地數之曰舉子故當為輕蝶邱收以夏楚久之乃遣去應尼舉進士傅晉此

祭酒介錢謹益為謝過傅一笑而已應尾官南部
郎終 知府

軍器

京師西內戊字庫貯一切軍器如兜盤刀劍之類凡諸
者有鋒磨匠治之其法先塗香令潤透後以兩柄銅努
鉛之其鐵盡脫復磨以礪石光明耀日

鏡梁

錢塘詹鍾王嘗讀書古僧寺見鐘樓傾圮有銅梁一
為宣德五年物購之久而遇海寧沈氏其軒屋為梓枋
丈許上載弘治歲月甚詳又鋸而購之命工鋟梁刊曰

毘陵龍

崇禎九年四月江陰之青洋獲一物如鯀鯉有麟角四足、
五爪色青黑長可五尺漁人以進常州守陳琯曰龍也時孫
慎行拜禮部尚書琯作龍見說繪龍其首以祖道而鄭
鄧北上謂陳守獨贈宗伯也未請別多請記不聽
鄧至京口贈陳守詩其題曰龍見于毘陵已鄧至京下
獄作活龍說識上謂出自陳守云龍見非休徵歷、
有驗上得之以語太監宦化淳此事果否化淳故善大
司馬陵完學完學以語侍郎蔡奕琛奕琛遣急足
走常州徵北陳守進鄭氏詩扇事得白先是陳守放龍
西門外潭中日啖池魚丈人覺之始知非龍也

塞河

俗傳宋禮治河于汶水發源處鑄七釜塞其泉水始暴

章湘友

長興章湘友嘗有道者至其門云奉人授以秘書一卷先
覽上卷俟十五年後發下卷章覽上卷頗平久之發下
卷夜夢道者責以負夙約斷汝足忽足廢臥摩三年又夢
道者云知汝悔心且遂汝足遂能步令殆立向人欲傳其
術終秘之自云吾特守是書非能用者如因書後自有人也

劉漢儒

大城劉漢儒任四川巡撫長子某從宜而歸下巴江經張桓
侯相山勢險惡自下望之見崖石如神像例先祭始發劉
氏子不信竟發湍渴奔迅覆其二舟俄巴縣令致祭謂
此中丞子必移罪我余何禱華恍惚間有二人挈劉氏子
又三僕出水又二僕沒矣劉氏子得悸疾抵家卒

仙人島

崇禎甲申春三月長安失守戶部郎中孟津陳惟立庚辰進士
司餉永平望家以海舶南奔甫出港颶風大作舟搖靡
徑沿潮流行孤暮折入一島隱見燈亟舟人母驚呼上人也
夜分復聞机杼聲乃稍安質明以二三蒼頭登訪遇女子
數輩俱妍慧長襦廣袖滿插山花見客而避忽失之意其

仙也行里許稍淮平疇望牛羊在牧鷄犬相間琢居數
百家方田作訊之則導至家有叟出揖布袍芒屨大冠
若箕龐眉長數寸氣微目貌似紅玉問官長所自曰自
永平失風者也因述時艱叟謝不知問其里姓曰某姓年
百二十有五此地長春不甚暑祁寒而不飢壽而不夭
俗稱仙人島云間何代至此笑而不答因命其子進雞黍享
官長餘刑一豕炊粟一石享從者其子亦百歲餘人也
叟曰吾居此百年絕外事漁舟間一至距永平千二百里
矣昨竟一日至亦奇遇也吾山中饒木石公能居之乎陳

辭為留馬日餌魚渝向即大治具土人多壽有二百十餘
歲者惟日飲潼乳啖薄靡不出戶耕人佚豫婦女不蠻而
妍無禽鳥馬驢衣俱木棉其布纖潤勝于紝綺設食潔
甘而無酒陳所携酒取飲之數進不云佳也擊一鮮則客
我終不赴客飲久之舟人思歸謂乘風四五日可達永平
也別以八月望後一日贈叟白金笑卻之曰山中無需此也
贈以臬曰吾田自沃陳氏內子贈其嫡女珠翠衣鉢之
屬皆不受僅受帛衣若干島人解送既揚帆猶登海
山遠望云陳再宿達永平恍然自失者累日

錢汝紹

崇禎甲申北京陷常熟錢汝紹希高間變哭三日及
西南部之變一日模被入庄收麥因欲鎖鑰付家人有急
可沉井中汝紹平生未嘗外宿家人疑之近庄里許使童
子先生往久之不至扶路求之不得明日得屍于僻路淺水
中蓋自沉也年五十絕筆詩曰吾族在宋代輸翻稱名門
顧思仕韓節終元無顯人大明既中天稍登縉紳迨茲
三百年奕葉被國恩小子最不才慕奉觀國賓迨茲祚
中絕空傷嬖媿魄五人下農祿四葉太平民祈久非吾
分媿生愧此身倦、蓋棺意欲與楚糞論

何母董氏

錢唐何母董氏老而嬖有田數十畝在超山無子徒養子良
棟甚厚崇禎庚午良棟鄉薦為竭力治裝歲贈並不
薄己酉母迎良棟一家以往資給之已良棟謀仕母病哭
止之良棟不聽委署臨安令敘前令

唐士母聞之大怒逐其二子賈取斧碎其登科榜額
罵良棟絕不許往來唐鍾玉親見其事為作贊

祁彪佳

新世過結興偏門內之能仁寺有豕臨及哀鳴閭之間
值四金命脫之放寺中凡三十年去歲死重可五百斤

伶人馬錦

金陵伶人馬錦其先西域人嘗兩坊角技演鳴鳳傳奇而西歸李氏為嚴閭老獨絕馬錦自以為不如竟遁三年還故部告諸客部曰令若奏鳴鳳願效所長于是輒嚴相以相奏畢李氏大驚服衣間所自錦曰我安所自武間今相國顧東諱猶嚴相也走京師求為其門卒三年日於朝房察其舉止聽其語久乃得之此吾之所師也李氏曰善

左懋第

左蘿石北使被幽弘光敗報至攝政王使人宴左侍郎飲頤酣問今日何故曰此太平宴問所自曰江南破矣左大怒

仆席于地其絕命詩曰山折巢封驛路迎片雲南向意
如何寸丹冷魄消難盡蕩作寒江總不磨閏六月十
八日臨刑又書曰生為大明忠臣死為大明忠鬼都人吳
某收殯同遇害立人兵部司務加職方司主事昆山陳用極

閻爾梅

沛縣閻爾梅用卿一號古心崇禎庚午首士能詩文
陳百丈徵時嘗主其家